

續修四庫全書

《續修四庫全書》編纂委員會編

續修四庫全書

上海古籍出版社

五〇四・史部・詔令奏議類

左恪靖侯奏稿初編三十八卷

左恪靖侯奏稿續編七十六卷

左恪靖侯奏稿三編六卷

(續編卷三十九至三編卷六)

〔清〕左宗棠撰

266/104

修靖奏稿續編卷三十九目錄

官軍搜捕餘匪獲勝摺

督軍進駐靜甯片

覆陳安插陝回片

遵 旨覆陳派兵前赴肅州摺

官軍進剿大勝奪據康家巖要隘摺

簡源中竭懇迅催協解摺

徐占彪啟程赴肅片

續編卷三十九目錄

官軍搜捕餘匪獲勝摺

奏為中南兩路官軍搜捕餘匪疊獲勝仗恭摺馳陳仰

聖鑒事竊臣於六月十四日將中路官軍剿賊獲勝暨

搜捕西山零匪情形附片馳陳並聲明檄飭各軍上緊

搜捕各起零匪在案茲據固原提督雷正綽記名提督

周紹瀛陝甘道黃鼎報稱周紹瀛調知逆目李文虎楊

自成等竄至距半角坡百五十里之磨盤水地方混入

米包山撫回楊萬春金忠明等股內正籌辦聞忽於六

續編卷三十九

月初八夜聞李文虎率逆騎數百由西山東竄雷正綽

周紹瀛黃鼎各率所部馬步隊伍出擊初九日黎明至

苦水泉尾果見逆騎東竄官軍攔頭截剿鎗轟矛刺斃

賊甚多賊敗潰反奔追至五家山李文虎率黨死拒官

軍奮力奮追斬步賊七八十名馬賊三十名轟斃者尤

眾周紹瀛所部生擒李文虎楊天朝等八名雷正綽黃

鼎所部生擒賊目馬二楊耳環子等數名奪獲驛馬百

餘匹餘賊紛紛潰竄追之不及訊據李文虎供稱五月

初六日由河州帶馬隊九十名出竄到楊萬春處休遁

今日接使楊萬春楊百成金忠明一併在內等語臣查李文慶楊天朝馬二楊耳環子等迹均係逆誅積匪批簡正法梟首示眾楊萬春金忠明等就撫復叛罪不容誅飭令迅速剿辦以昭炯戒雷正綰周紹濂十一日會軍進分道直搗米包山一帶賊巢官軍齊抵米包山賊猶未覺即縱隊痛擊搜獲旗號衣軍火甚多巢賊無得脫者其先時出巢劫掠之賊百餘名聞警回援又經官軍擊敗獲牲畜百餘頭訊生賊供李文虎眷口尚在河州本日官軍所殺皆楊百成楊萬春金忠明

續編卷三十九

二

丁萬明之黨內有馬化濫股屬譚竹林亦已伏誅此各軍追捕西北逆賊續復勝仗情形也又據提督楊世俊稟稱駐三陽川之奇捷平西營務處副將楊德俊探知秦州平南川有馬步賊東趨甘泉寺即帶馬隊三旗會同連勇先隊尋踪追擊十一日於秦州麻山頭地方始與賊遇馬隊斃賊數十奪驃馬器械甚夥追奔六十里至步積巖南山峻削對立賊急棄馬上山官軍亦改步齊登斬賊數十名奪馬數十匹餘賊鼠竄因天晚雨驟覓地暫憩十五日黎明追七十里至梨子園又斃賊

數十名此股略盡矣訊據生擒賊供鞫昌回目劉洪逃走河州後茲夥繞由安定潛來謀劫糧運現已死亡大半劉洪亦經官軍陣斬又駐渭東之平西營都司王勇於十五日調知賊與平西後營接仗即出隊馳剿至汪家衙與後營夾擊賊即敗退追二十餘里斃賊多名奪驃馬七十餘頭旗二桿鎗矛數十件餘賊四散生擒賊目閻得順馬遇濫訊係小頭目馬五所帶已為官軍擊散此楊世俊所剿竄秦州之回及在渭源所屬汪家衙擊賊獲勝情形也同時提督張仲春亦探有步賊百餘

續編卷三十九

三

竄至閭井一帶即出隊向馬塢鎮截剿該逆聞風折竄岷州適岷之副將張登桂於十五日帶隊來駐洛門領糧遇賊於岷屬大坪賊方伏山凹似圖劫運張登桂分隊搜剿斃賊十餘名奪驃馬十餘匹賊遂狂奔十六日竄至駐馬塢六十里之百家莊張仲春即於二鼓潛師掩擊五鼓抵百家莊乘賊酣睡將全股圍斬殆盡奪牛馬二十餘匹器械旗幟甚多十七日探知前在禮縣屬擊敗之賊百餘騎又由西河境繞道固城有竄馬塢之勢張仲春飭信營回駐馬塢自帶禮義兩營躡擊賊見

官軍即飛向馬場竄去官軍夾擊斬不計其數奔驟馬四十餘匹矛桿二十餘枝賊翻山亂竄時已四更矣山霧冥蒙不辨行徑次日探之則已紛紛逃竄無踪遂於廿日回防此宗岳各營剿賊岷屬獲勝情形也其階州剿辦緝匪情形臣已於六月十四將三四月內攻拔段世才李奎石巖洞各處堅巢陳明在案茲續據署階州知州洪惟善稟稱縣丞李支瑞探得史家溝有窩藏緝匪踪跡即親率隊伍馳往搜捕匪目史夢虎遂竄匿何中幅堡中並恃其黨趙金幅夥同助逆李支瑞商請

續編卷三九

四

哨官彭得沅周正秋賀俊德等率隊於五月初五日抵何家溝傳諭何中幅令其縛匪平堡繳械免死該匪竟敢抗拒官軍鏖戰自辰至申始將後卡攻破斬匪八名奪獲山礮線鎗數件而前卡懸巖峭壁力無所施逐日輪攻互有傷損初十日該縣丞令各隊執擋牌直抵卡外積薪縱火當毀卡前礮樓匪勢益形窘蹙十一日五更潛竄出卡官軍圍擊斃悍匪三十餘名生擒要逆趙金幅等數名起獲大礮三座線鎗八桿刀矛數十件牲畜十頭獲趙金幅供史學虎已於前兩月逃往白馬關

調段世才踪跡則堅不吐實當將該逆正法並移知白馬關州判嚴拏史學虎訊辦此階州剿辦緝匪獲勝情形也臣惟中南兩路疊次追剿擒斬頗多剿辦緝匪亦多擒賊惟首逆尙齒牙馬彥濫及緝匪匪目史學虎等尙未就擒現仍飭確探迅剿務盡根株所有剿辦零星回賊並攻拔緝匪堅巢疊獲勝仗各緣由謹彙案據實陳明伏乞

皇太后

皇上聖鑒訓示謹

續編卷三九

五

奏同治十年七月十二日

督軍進駐靜甯片

再鹽固一帶零匪經疊次搜獲所餘無幾惟數十騎一起十數騎一起者西山以內倏隱倏現時復有之緣地闊山荒煙戶絕少零賊見兵即逃轉盼無蹤搜捕難於求速也臣現咨雷正綰撥所部馬步九營分紮固原迤北至中衛南境飭平慶涇道魏光燾撥所部馬隊一起步隊五營延綏固原迤南至平涼旁接隆德以資雕勦而該餉運現已到防記名提督徐文秀已進駐會甯劉

明燈已進駐安定臣拜摺後即率親兵進駐靜甯州到靜甯築營後當即率輕騎馳抵安定狄道一帶察酌情形督率諸軍分道速進所有微臣啟行日期理合附報伏乞

聖鑒謹

奏同治十年七月十二日

軍機大臣 字寄同治十年七月二十日奉

上諭左宗棠奏中南兩路官軍搜捕餘匪疊獲勝仗並率軍進駐靜甯各摺片雷正綰等軍追捕西山逆賊擒

續編卷三十九

六

斬賊目李文虎等多名楊世俊所部截剿秦州竄回並在渭源所屬汪家衝擊賊獲勝將回目劉洪等陣斬其紛竄岷州之賊亦經張仲春等督兵截擊擒斬頗多至階州緝匪亦經該處員弁率隊進攻破其卡壘盡斃悍匪數十名即著左宗棠嚴飭在事各軍認真搜剿並將存逃首逆狗齒牙馬彥祥及緝匪史學虎等悉數擒獲淨絕根株左宗棠進規河州現今雷正綰撥馬步九營魏光燾撥步隊五營分紮固原南北各路以資雕剿而護餉道令徐文秀駐會甯劉明燈駐安定該督自率親

兵進駐靜甯所籌均尚周密即著於行抵靜甯後馳赴安定狄道一帶察看情形督率諸軍分道速進擒剿掃穴迅奏膚公以慰廑係將此由五百里諭令知之欽此覆陳安插疎回片

再金順張曜等前解陝回六百餘名赴靈州安插據駐金積堡提督蕭章開署靈州知州王翔翼報已分地安插矣察看現在各處遷徙安插各回民均尚安靜守法間有漢民藉詞報復者已飭府縣隨時懲辦斷不令仍蹈惡習致啟衅端上煩

續編卷三十九

七

厘慮謹據實覆陳伏乞

聖鑒謹

奏同治七年七月十二日

軍機大臣 字寄同治十年八月初一日奉

上諭左宗棠穆圖善豫師奏張伯勦匪獲勝南川被匪竄擾左宗棠穆圖善奏堵擊西南賊匪各摺片覽奏均悉陝匪崔三等竄擾張伯之勝番溝等處並據張城經官軍連日進勦將賊擊退平戎一帶肅清勦辦向爲得手在事尤爲出力各員著左宗棠等查明保奏該逆全股焚燬而逃究竟竄往何處著左宗棠穆圖善豫師嚴飭各軍探明賊踪合力搜捕務絕根株逆首崔三等是否實係擊斃著該大臣等確查具奏西南逆匪四出竄擾

續編卷三十九

八

當洞等處雖疊經擒斬匪勢仍屬蔓延左宗棠務飭派出官軍分投勦辦迅掃逆氛並檄飭總兵黃武賢嚴密布置務將咸遠一帶完善之地妥籌保全至金縣平番及省城附近各隘著穆圖善令帶兵將弁實力巡防毋稍大意成祿在肅州收撫陝回潰叛東下甘涼二府戒嚴著左宗棠穆圖善卽飭王仁和等加意防勦如兵力尙屬不敷並著左宗棠酌量撥兵策應陣亡之金縣團總四品銜楊增全著交部從優議卹西南南川一帶村莊時被賊匪焚掠豫師以兵力難分已函商左宗棠撥

左恪靖侯奏稿續編 卷三十九

軍功勦辦著該大臣酌撥得力隊伍前往協助豫師卽飭該總張煥奎先行派隊救援以資保衛甯靈一帶雖經肅清惟聞甘涼回匪勾結西南漢回屢擾平番古浪等處日久無可掠食或出古浪之大靖土門越中衛而出邊或由鎮番竄出邊外肅州之回亦時由金塔寺出邊竄擾若不預籌堵截恐各匪紛紛北竄必致滋蔓難圖刻下大軍進規河州若以一軍分紮鎮番金塔寺等處斷賊出邊之路以一軍駐紮平番扼西南賊匪出竄兼護秦旺川糧運俾大兵專力河州免致牽掣似於局

續編卷三十九

九

勢較爲周密著左宗棠酌量情妥籌辦理將此由六百里各諭令知之欽此

五

軍機大臣 字寄同治十年七月八日奉

上諭左宗棠穆圖善奏回匪竄擾北山官兵截剿獲勝一摺北山泰旺川一帶產糧最廣現值收穫夏麥之祭該匪時出竄擾離經各路官軍截剿獲勝惟據生擒賊供有米拉溝撤回勾結峽回二千餘人分股回竄意圖搶糧等語尤應先事預防力為保護左宗棠穆圖善督飭各軍分路確探何路有賊向何路截剿務期護民收穫勿濟盜糧穆圖善現已馳往北山著即相機調度並將該處駐紮馬隊重加整頓以期得力將此由六百里

續編卷三十九

十

各諭令知之欽此



遵

旨覆陳派兵前赴肅州摺

奏為遵

旨覆陳仰祈

聖鑒事竊臣於七月二十五日欽奉

寄諭據總理各國事務衙門奏俄國西悉畢爾地方官由綏線致該國駐京公使信函內稱七河省巡撫廓派兵前赴伊犁五月十七日將伊犁代為收復等語並聞俄人尙欲帶兵前往收復烏魯木齊本日已諭令金順奎昌等查明確實情形並令榮全前往收回伊犁城池

續編卷三十九

二

妥籌布置令景廉帶兵相機規復烏魯木齊矣成祿本係烏魯木齊提督著即統率所部出關與景廉會合力圖收復所有該軍餉需著戶部遵照前旨迅速查催並寬為籌撥以資餉騰肅州一帶關係緊要著左宗棠迅即調派勁旅前往扼剿竄匪替出成祿一軍出關剿賊毋得以兵力不敷稍形推委劉銘傳所部已諭令鼓行而西繞赴蘭州北路由甘涼肅一帶出關節節前進為收復新疆各城之計左宗棠身任兼圻本應統籌全局況鎮迪一帶係該督所轄尤當妥籌兼顧諒該大臣必

能力任其難以紓朝廷庶幾圖善如有可撥之兵並
著旨向左宗棠酌量調派以資厚集欽此臣跪聆之餘
曷勝欽佩以隴中局勢論自宜先規河湟杜其紛竄然
後意西指分兵先扼玉關斷其去路乃策全功此時
與師遠舉尚非穩著然此時固有未可拘執者臣接奉
諭旨已飛緘移圖善詢其能否派隊一面咨劉銘傳酌
定進兵道路一面飛飭記名提督哈西巴巴圖魯

寶勇黃馬褂徐占彪統所部馬步十二營由靖遠防所
取道蘭州踰涼甘兩郡以抵肅州緣徐占彪勇敢能戰

續編卷三十九

主

所部多百戰之餘尚堪當一路之寄而該軍餉事已經
清算臣復擬資以兩月滿餉莫可收飽騰之效其餘占
彪所遺靖遠防務甚關緊要臣已檄飭蜀軍統領黃鼎
派營員張王友統帶移駐合併陳明所有遵

旨派撥情形謹據實覆陳伏乞

皇太后

皇上聖鑒訓示謹

奏

軍機大臣 字寄同治十年八月初八日奉

上諭左宗棠奏派軍前赴肅州一摺新疆軍務朝廷本

欲俟甘省大定次第籌辦此時勢難置為緩圖前令劉
銘傳一軍由甘涼肅一帶出關昨據覆奏河湟未靖轉
餉艱難江皖之人又不宜衝裹涉遠該提督仍請賞假
養病業已有旨賞假一箇月在營調理一俟病體就痊
卽令督率所部前赴肅州屯紮毋庸出關以便成祿等
一意西行惟關外事機緊迫劉銘傳須俟病痊再行拔
隊前進尚恐緩不濟急朝廷正深焦灼茲據左宗棠覆
奏遵派提督徐占彪所部十二營由靖遠取道蘭州實

續編卷三十九

主

能力顧大局該軍既堪當一路之寄著卽飭令迅速前
進不得因有劉銘傳屯紮肅州之旨稍涉遲延一面咨
催成祿先行部署一俟徐占彪到後卽令成祿拔隊出
關並將起程日期奏聞肅州防勦事宜卽責成徐占彪
妥爲籌辦將來劉銘傳到肅後亦可商同布置成祿現
在出關糧餉最關緊要該軍雖有轉撥之餉深慮各省
未能如期解到左宗棠亦當代爲籌畫隨時接濟俾利
師行本年正月間據奎昌等奏稱綏來等處民團可用
當諭令左宗棠或派員出關或飭口外鎮道妥籌安撫

該大臣究竟如何籌辦倘派往之員因道路梗阻未能西行即可隨同徐占彪大隊赴肅並與成祿一同出關將該處民人加意撫綏務使各團樂爲我用以收指臂之效將此由六百里諭令知之欽此

續編卷三十九

西

官軍進剿大勝奪據康家岩要隘摺

奏爲官軍分路進剿大獲勝仗奪據康家岩要隘恭摺馳報仰祈

聖鑒事竊蘭州車行驛道東由會甯靜甯隆德出平涼以達陝西驛行間道東南由秦州以達陝西而安定綰綬兩路居其衝要頻年回氛蹂躪受害最酷東道因之不遵臣宗棠於七月二十九日由靜甯率輕騎取道會甯八月初二日馳抵安定接見統領後路全軍提督徐文秀統領左路全軍提督劉明燈詢商一切知鹽固甯

續編卷三十九

五

靈一帶敗殘回逆及鞏郡土著各回皆寄眷屬於河州各賊巢分起四出剽掠每數十騎爲一起避兵而行騷疾如風伺便行劫不但商旅文報常有梗阻之虞卽餉糧軍火亦時防疏失自渭源狄道克復後河州諸賊出巢剽掠必由洮河西岸三甲集渡東岸康家巖然後分竄金縣安定會甯或東趨鹽固或北擾靜遠是安定爲賊跡出沒之衝途而康家岩又賊踪必因之津要比卽定議徐文秀一軍由安定西北巖口出金縣稱鉤驛以達站灘劉明燈一軍由安定東南馬家河韓家坪出關

門口內官營站灘與徐文秀合隊以攻康家岩初四日各營先發初六日徐文秀劉明燈由安定拔營繼進令前進一處各派隊分支包掃而前驅賊併歸康家岩然後聚而戰之初七日徐文秀途遇竄遁之賊救起揮軍縱擊斃賊數十名擒賊目馬得雲等二十四口總兵陸海俊副將陳維高同時掃花峴子伏賊斬賊數十擒賊目武邦賢等十五名均訊明正法初八日由好夢川楊婆廟一帶躡追而前登嶺瞭視羣賊馬步約二千餘正紛紛竄走徐文秀麾所部各營分途截擊斃賊百餘

續編卷三十九

夫

至沙合嶺大雨收隊是夜雪霰交飛初九日冒雪馳抵黃石坪去站灘四十里人馬疲困不能前進詢悉由黃石坪逕抵康家岩路較捷遂改道不赴站灘之約初十日逾馬鞍山至下營子則距康家岩僅三十里矣其劉明燈一軍初四日由馬河一帶向西北折而南趨沿途略有斬獲是日抵柳林溝十一日寅刻劉明燈令總兵黃宏藻劉正高參將楊正茂各帶所部由三十里鋪新田鋪沿洮河東岸前進飭參將殷得益都司鍾鳴鳳參將羅瑞秋副將鄧得勝山大營坪斜抄而前徐文秀率

總兵鄭守南參將劉仁和由魏家河出賀家溝總兵沈玉遂率陳維高陳汝俊由大營坪出東溝合攻康家岩是日已刻行距康家岩數里逕薄賊卡堡賊千餘見官軍逼近出卡抗拒徐文秀列隊迎擊而陳維高等已由東溝抄出賊後矣康家老巖堡中復出步賊數百來援洮西騎賊二百餘亦渡河助勢徐文秀令鄭守南陳汝俊陳維高劉仁和等分支兜擊陣斬悍賊二百餘名步賊縮退入卡馬賊見勢不支急上船西渡正爭渡間官軍薄之溺斃無數卡賊憑牆放鎗死拒弁丁傷者數人

續編卷三十九

七

軍士愈憤竭麾而登立破其卡斃賊約三百人生擒賊目哈章布等五名餘賊退入大堡劉明燈一軍是日甫出柳林浦口即遇馬步賊數百揮隊擊之斬賊數十賊敗入新田鋪合守卡賊併力穩抗適殷得益鍾鳴鳳羅瑞秋鄧得勝等從大營坪橫截而出賊敗狂奔各營奮威衝殺陣斬百餘名賊退入康家新巖及孫家堡劉明燈率馬步各營躡蹤壓迫立將兩堡攻破斃賊二百餘生擒十一名餘賊叫號亂竄各堡賊亦相率潰奔併入康家大堡其渡洮西竄者均逼入急溜中溺斃無數徐

文秀劉明燈兩軍既合即下令布圍康家大堡及各小堡分撥前定大堡內賊穴牆衝出各堡賊亦皆棄堡向洮河亂竄官軍分途追逐沈玉遂王前程橫出截殺斃賊最多計是役破大小莊堡十餘處陣斬溺斃之賊約二千數百名徐文秀劉明燈即分據康家新嚴孫家堡康家大堡立營訊據生擒賊供賊首馬爾和哈然麻已斃於陣矣十三日派隊搜山至距康家嚴二十里沙張子地方復斃賊百餘名溺斃無數此官軍連日冒雨進剿踏平康家嚴莊堡奪據要隘實在情形也竊維康家嚴在洮河之東距省城百數十里距狄道州五十五里對岸十里即三甲集雖屬狄道轄境而實河州門戶由三甲集而西即太子寺大東鄉等處均逆回麇聚之所洮河西岸山高逕險賊勢亦較中左兩路為重必過河立營然後可戰必架造浮橋然後可渡現值秋霖疊降霜雪交加之時萬壑爭流岸闊溜急狄道架橋艱難索均已製造齊全康家嚴則尚須併力經營乃可集事一俟水退橋成即當渡洮進剿臣穆圖善十六日來安定與臣宗棠籌商機宜意見相同旋即回省布置謹合

續編卷三十九

太

詞馳報伏乞

皇太后

皇上聖鑒訓示施行謹

奏同治十年八月二十九日

餉源中竭懇迅催協解摺

奏為餉源中竭危局難支懇

恩迅催協解以利戎機而免決裂仰祈

聖鑒事竊維西征協餉奉撥之數本不敷用而各省開

除江西閩海關外均解不足數以故積欠纍纍至今已

續編卷三十九

元

一千二百萬兩辦理西征糧臺待講學士袁保恆目覩

艱窘情形函咨並達穎禿臂焦不得已請

旨嚴催蒙

聖明前鑒諭飭各省關新舊並籌各省不但新餉無增

即舊餉亦多延不照解臣軍所收協餉祇有此數而穆

圖善豫師及甘肅舊有各軍營餉需均須由臣軍墊給

且開有本

旨飭西征糧臺墊撥之款臣軍餉事來源日絀銷路日

增而兵事則局事愈寬待用愈急以故向章每二各營

發三箇月滿餉上年僅發兩箇月今歲則端午中秋餉未能發卽年節一關尙未卜何如矣此本軍士應得之餉銀然有則速發無則緩發諸將士諒臣有素或無異詞惟糧食鹽菜衣袴巾履醫藥則生人日用所需決難斷缺非時其緩急源源支給慈父且不能保其子將卽安能蓄其士卒哉且陝甘頻年兵燹子遺僅存往往數百數十里人煙斷絕新復之地非俵給牛種賑糧則垂斃之民勢將盡境溝壑各省克復一郡縣收一處丁糧僅稅甘肅克復一郡縣卽發一處牛種賑糧非是則有

續編卷三十九

三

土無民

朝廷亦安用此疆土他如城池宜修地方宜設官採糧轉運軍裝宜設局已撫回民宜給賑所有薪俸經費賑務師行一處卽增一處之需而皆仰給於而臣不敢列款上請不得不於軍餉挹注早爲補救此皆陝甘兩省官吏士民所共知者金積底定進規河湟甘肅局勢雖有轉機而臣憂慮方深正以協餉不時至臣軍出款目增入款漸減必將有不能敷衍點綴之勢臣不得已飭上海採運局臣商籌借銀六十萬兩約以各省協餉

到上海時分期扣還復刊行印票拮發各處糧價卽期四十日六十日持票取銀聊資周轉如踰期無銀應付失信商民則並此亦不能行矣撫卞蔣志章稔知窘情於無可籌畫時慨允飭司庫借提銀十三萬兩候餉到歸款暫雖借此敷衍然上海借款僅資應付印票轉運費用及撥還陝西庫款臣軍餉事仍是茫然恐大局決裂終所不免伏查各省奉撥之款皆部臣總核各省出入數目酌量指撥原非強以所難疆臣心存體

續編卷三十九

三

無仰懇

皇上天恩申諭各督撫關差仍遵前旨按照欠數力籌新舊並解以濟急需而措危局不勝迫切待命之至至各省協款欠數若干西征糧臺開單具報在案部臣無難按籍而稽內如安徽一省經前署撫臣吳坤修籌定指撥有舊之款吳坤修卸任後卽停止不解而所派西征金運昌一軍由臣籌墊餉銀十一萬兩請催解還一置之不答揆之情理似有未合河南一省月

協甘餉二萬五千兩數年之久僅解過兩次積欠至一百四十萬有奇上年冬間欽奉

諭旨提解積欠十萬兩該省僅解過兩萬兩而下欠八萬兩竟不復解撫臣有無畛域之見臣不敢知藩司劉齊銜曾任陝西道員襄理軍需局務於甘肅窘迫實在情形不得諉為不知而職守一分即便悍然不顧亦實非大局所宜此尤臣不能無言者也謹一併據實陳明伏乞

皇太后

續編卷三十九

三

皇上聖鑒訓示施行謹

奏 同治十年八月二十九日

軍機大臣 字寄同治十年九月初十日奉

上諭左宗棠穆圖善奏官軍進剿獲勝奪獲康家岩要隘一摺左宗棠由靜甯島甯馳抵安定察看地勢賊情知安定為賊踪出沒之衝途而康家岩又賊踪必由之津要督飭徐文秀劉明燈各軍分路進剿疊有擒斬乘勝合圍將康家岩莊堡全行攻拔殲賊匪二千數百名陣斃賊首馬雨和哈麻然官軍即分據康家新岩等

處立營以扼衝要現值秋深水退之時左宗棠務當飭令前敵各營迅架浮橋渡過洮河節節攻剿迅奏膚公穆圖善與左宗棠籌商一切意見相同現已由安定旋省即將將省城防守事宜妥為布置左宗棠謹催各省協餉一摺已諭令各該督撫等迅速籌解矣將此由六百里各諭令知之欽此

徐占彪啟程赴肅片

再徐占彪馬步十二營遵

旨前赴肅州 於前月二十七日拜摺後即飭駐陝軍

續編卷三十九

三

肅局籌備兩月餉需以資襄帶復飭甘肅軍需局酌將甘涼兩府屬運省糧石分別劃留以便支領一面飭徐占彪來營將欽奉

寄諭宣示並調商一切徐占彪尚能體會毅然請行於本月二十四日率所部馬步九營移駐蘭州金家巖候餉據駐陝軍需局稟已與陝西軍需局湊解銀四萬三千兩俟在途協餉續到立即補解大約九月初旬徐占彪一軍可由蘭州起行矣其留靖遠之提督黃虎臣三營俟道員張玉文接防即由靖遠逕赴蘭州會隊前進

欽奉八月初八日

諭旨已恭錄行知徐占彪矣至奎昌等奏稱級來民國可用前奉

諭旨後已飭口外鎮道妥籌安撫迄今尚未接其稟復近接各軍稟報肅州撫回復叛成祿力不能制紛請派援成祿兩報亦同之徐占彪兵到肅州即有戰事委員暫難出關也謹附片覆

奏伏乞

聖鑒訓示謹

續編卷三十九

五

奏同治十年八月二十九日

恪靖奏稿續編卷四十目錄

出力員弁兵勇案保獎摺

辦理糧餉各員請獎片

各項差使出力員弁請獎摺

董福祥等請照原獎片

陶生林請開復原官原銜片

請獎陝西良回劉秉信片

官軍先後渡洮迭獲大勝摺

追剿河州竄賊獲勝片

續編卷四十目錄

各軍追剿零賊平慶鹽固一帶肅清片

回川具稟投誠片

奏調譚鍾麟赴陝甘練習邊務片

出力員弁兵勇案保獎摺

奏為蕩平金積堡巢匪肅清及中路官軍剿辦回土各匪疊次獲勝出力員弁兵勇案保獎仰祈

聖鑒事竊臣前奏報金積堡賊巢概行平毀馬械概行呈繳首要各逆概行誅戮肅清同治十年二月初二日奉

上諭左宗棠等奏平毀金積堡賊巢首要各逆伏誅肅清肅清出力各員請獎一摺其餘出力員弁准由左宗棠彙案保奏等因欽此伏查前於同治八年八月二十

續編卷四十

一

九日奏報官軍剿辦中路土匪張貴一股迅就肅清現籌會剿北路回逆請將在事出力員弁彙案保獎一摺奉

上諭左宗棠奏官軍進剿中路土匪漸就肅清一摺所有尤為出力之陝安道黃鼎著交部從優議敘餘著照所議辦理九月三十日會奏官軍進剿北路回逆連獲大勝一摺奉

上諭左宗棠奏官軍會剿北路回逆連獲勝仗請將出力各員獎勵一摺剿辦甚為得手其餘出力員弁著准

其擇尤保獎毋稍冒濫九年正月初八日會奏中路官軍截剿竄匪大獲勝仗一摺奉

上諭左宗棠奏中路官軍擊退竄回一摺動辦尙為得手在事員弁勇丁尙屬出力並准左宗棠擇尤保奏六月初八日會奏官軍截剿自陝折竄回匪疊獲大勝情形奉

上諭左宗棠穆圖善奏截剿陝省回竄賊匪獲勝一摺在事各員尙屬著有微勞自應量予獎勵其餘出力員弁勇丁著左宗棠等擇尤彙案保奏毋許冒濫七月十

續編卷四十

二

八日奏中北兩路官軍攻剿回巢擒斬首要各逆會剿金積老巢一摺奉

上諭左宗棠奏中北兩路官軍剿賊疊勝現籌會攻金積老巢一摺攻克堡寨出力各員著左宗棠彙案請獎八月二十四日奏中路官軍攻剿逆回奪取峽口并攻克堅堡擒斬要逆獲勝一摺奉

上諭此次中路剿賊官軍尤為出力員弁兵勇准由左宗棠專案保獎以示鼓勵十二月十一日奏報馬家灘堡王洪堡次第平毀陝回就撫首逆馮化隆就擒現在